



Broj: 02-02-153-8/23  
Sarajevo, 27.09.2023. godine

U skladu sa odredbama člana 90. Zakona o javnim nabavkama BiH („Službeni glasnik BiH“, br: 39/14 i 59/22), odredaba Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, br: 27/19, 29/19 i 48/19), odredaba Pravilnika o javnim nabavkama roba, usluga i radova Kantonalnog stambenog fonda Sarajevo broj:02-03-416/23 od 21.03.2023.godine, Odluke o pokretanju postupka javne nabavke usluga računovodstvene revizije broj: 02-02-153/23 od 31.01.2023.godine, te u skladu sa ovlaštenjima iz člana 14., u vezi sa članom 16. Statuta Kantonalnog stambenog fonda Sarajevo, broj:02-169-2/2006 od 16.02.2006. godine i broj 01-1344-5/2012 od 27.07.2012. godine, V.D. Direktor Kantonalnog stambenog fonda Sarajevo d o n o s i

## **ODLUKU**

### **o izboru najpovoljnijeg ponuđača putem Direktnog sporazuma**

#### **I**

Prihvata se Ponuda, broj: 022-09-2023 od 22.09.2023.godine u postupku Javne nabavke usluga računovodstvene revizije putem Direktnog sporazuma i Ugovor za javnu nabavku usluga računovodstvene revizije će se zaključiti sa Ponuđačem „ŠKAMO“ d.o.o - društvo za reviziju, računovodstvo i konsalting Tuzla, ul. Aleja Alije Izetbegovića br. 22, Tuzla, ID broj:421042480006.

Jedinstveni rječnik javne nabavke je: 79212100-4- Usluge finansijske revizije.

#### **II**

Vrijednost predmetne nabavke iznosi **3.500,00 KM** bez PDV-a.

Finansijska sredstva za realizaciju predmetne nabavke obezbijedena su Finansijskim planom Kantonalnog stambenog fonda Sarajevo za 2023. godinu, a vode se na Ekonomskom kontu broj: 5503- Troškovi nabavke usluga računovodstvene revizije za 2023. godinu.

#### **III**

Plaćanje će se obavljati na žiro račun Ponuđača na osnovu ispostavljenih faktura koja su izdate u skladu sa odredbama pozitivnih propisa iz oblasti poreza.

#### **IV**

Ugovor sa izabranim Ponuđačem iz tačke I ove odluke zaključit će se odmah po pravosnažnosti Odluke.

#### **VI**

Za realizaciju ove odluke zadužen je Odjel za pravne i ekonomske poslove Kantonalnog stambenog Fonda Sarajevo.

#### **VII**

Odluka stupa na snagu danom donošenja i objavit će se na web stranici Kantonalnog stambenog Fonda Sarajevo.



### Obrazloženje

Nakon provedenog postupka prethodne provjere tržišta u skladu sa odredbama člana 14a. Zakona o javnim nabavkama BiH, Odlukom broj: 02-02-153/23 od 31.01.2023.godine, Kantonalni stambeni fond Sarajevo je putem Direktnog sporazuma pokrenuo postupak javne nabavke usluga računovodstvene revizije.

Zahtjev za dostavu ponuda upućen je sljedećim pravnim licima:

„ŠKAMO“ d.o.o, Ul. Aleja Alije Izetbegovića br.22, Tuzla  
„EURO-BIRO“ d.o.o Sarajevo, Hifzi Bjelavca br.86, Sarajevo  
„REV-HANI“ d.o.o Sarajevo, Branilaca Šipa br. 17, Sarajevo

U ostavljenom roku Ugovorni organ je blagovremeno zaprimio dvije (2) ponude i to od privrednih subjekata „ŠKAMO“ d.o.o i „EURO-BIRO“ d.o.o Sarajevo, te je zaprimljena jedna (1) neblagovremena ponuda od ponuđača „REV-HANI“ d.o.o Sarajevo.

Ugovorni organ je izvršio analizu blagovremeno zaprimljenih ponuda te je konstatovano sljedeće:

- da je Ponuđač „ŠKAMO“ d.o.o, dana 22.09.2023.godine u 12:46h dostavio Ponudu sa ponuđenom cijenom u iznosu od **3.500,00 KM bez PDV-a;**
- da je Ponuđač „EURO-BIRO“ d.o.o Sarajevo dana 22.09.2023. godine u 13:40h dostavio Ponudu sa ponuđenom cijenom u iznosu od **7.000,00 KM bez PDV-a;**

Detaljnijom analizom ponude Ponuđača „EURO-BIRO“ d.o.o. Sarajevo konstatovano je da je ista nepotpuna jer ne sadrži tražene sastavne dijelove ponude, odnosno nije dostavljen Aktuelni izvod iz sudskog registra, Izjava o ispunjenosti uslova iz člana 45. Zakona niti Potvrdu od poslovne banke da glavni račun nije bio blokiran u zadnjih šest mjeseci, a koji su obavezni sastavni dio Ponude. Imajući u vidu navedeno ponuda Ponuđača „EURO-BIRO“ d.o.o. Sarajevo je odbačena u skladu sa članom 68. stav (4) tačka i) Zakona o javnim nabavkama.

Neblagovremena ponuda Ponuđača „REV-HANI“ d.o.o Sarajevo nije dostavljena u ostavljenom roku, tačnije do 22.09.2023. godine do 14h. Imajući u vidu sve navedeno ponuda Ponuđača „REV-HANI“ d.o.o. Sarajevo je isključena iz daljeg postupka.

U postupku donošenja ove odluke, u skladu sa kriterijem najniža cijena, cijenile su se činjenice da je Ponuđač „ŠKAMO“ d.o.o. revizija, računovodstvo i konsalting Tuzla dostavio ponudu koja je potpuna i ispunjava sve tražene uslove iz Poziva za dostavu ponude, te da je Ugovorni organ zadovoljan cijenom i kvalitetom ponuđene usluge.

Slijedom naprijed navedenog, primjenom člana 90. Zakona o javnim nabavkama BiH, te odredaba Pravilnika o javnim nabavkama roba; usluga i radova Kantonalnog stambenog fonda Sarajevo odlučeno je kao u dispozitivu Odluke.

**POUKA O PRAVNOM LIJEKU:** Protiv ove odluke nije dozvoljena žalba.

#### Dostaviti:

- Ponuđaču putem e-maila,
- U evidenciju,
- U a/a



Direktor  
Omer Hajbegovic